

բոււ շինեաց զմեծ և զհոյակապ տաճարս զայս, զոր « զարմացուցիչ անտուայ » կոչեն հինքն, այլ յետ ոչ բազմաց կործանեցին հագարացիք նախանձաբեկք: Այս ամենայն սրբութիւնք և աթոռ կաթուղիկոսս կան 'ի սկզբանց դարձին հայոց 'ի Քրիստոս և ցայս ձգեն յԷջմիածին ամի ամի ուխտաւորս և նուէրս ուխտից . բայց յանհաւատիցն բռնութենէ և յասպատակէ բազում անգամ կորստեալ և տառապեալ աթոռոյն՝ յապահովանայ արդ ընդ Ռուսաց իշխանութեամբ յետ վերջին սպառնալովն Պարսից :

134. Ի դաշտին վարդաբազաւուն են իբրև 40 գետք և վանորայք անուանիք . յորովք յարեմտակողմն կամ յալմէ Քասաղայ և 'ի հիւսիսոյ մայրավանայն, յորս գլխաւորք են Օշական գիւղ յարեմտից հիւսիսոյ երկժամաւ հեռի . առ կարմրագոյն չեջաքար արմաբ Քասաղայ, որ Առադարն Օշականի կողքեր առ նախնեք . անդ եհար վահան Ամատունի զհենն հիւսիսոյ ակն արկանելով յեկեղեցին Կուսանայն, և ընկալաւ զգեօն 'ի պարգևի մասն 'ի խորովայ յորդոյն Տրդատայ, և ժառանգ իւր միւսն վահան Ամատունի՝ անդ հանգոյց զմարմին մեծին Մեսրոպայ, ուր և կայ ցարդ ընդ փայտածածուկ յարկաւ նորոգեալ եկեղեցոյն . առ որով են և աւերակք, զոր ազարանս և մահարձանս շիրմի քաջին վահանայ ասեն : — Ի հարաւոյ մտից Օշականայ կայ փոքրիկ լճակ Այուր-Էջու անուն : — Ժամաւ յեկեղեցիս Կուսանայն է Առադարն գիւղ, ուր երեք եկեղեցիք են շինեալք կամ նորոգեալք յԺԳ դարու, և խաչքէմք գամբանաց . և կամոռջ քարաշէն եռակամար, 'աման ամին և յՕշական գոյ : Ի գեղջէ աստի է այժմեան ծերունի կաթուղիկոսն հայոց Տէր Կերսես : — Կիսաժամաւ 'ի հիւսիսոյ Աշարակայ 'ի սարահարթի գետոյն կայ Մարտի գիւղ, յորում եկեղեցի Ս. Գեորգայ, որոյ նշխարք փոխադրեցան 'ի Յովհաննավանից յեկեղեցի սորա մեծ և հոյակապ, առ որով կայ և մենաստան վայելուչ և պարսպապատ : Կիսաժամաւ ևս 'ի սորա հիւսիսոյ կան Յովհաննավան, և ամբորեն հաննավանք, մեծ և անուանի, այլ լքեալ . շինեալ նախ 'ի Լուսաւորէն և Մարտի կամ Մարտի շահ կոչեցեալ զուսաջինն, նորոգեալ 'ի Մեծէն Կերսիսէ, և ապա 'ի Ջ և յԺԳ դարս և յԺԵ ունի արձանագիրս յորովս զնորոգութեանց և զնրակիրատուաց . յեկեղեցոյ սորա աւանգի պահեալ վարչամակին Քրիստոսի և այլոց նշխարաց սրբոց . յայս վանս դադարեաց առ վայր մի Ս. վահան Գողթնացի յԼ դարու : Ի սկիզբն անցելոյ դարուն Չաքարիա Սարկաւազ պատմիչ արար զստորագրութիւն վանացս . որ և խաչ 'ի վերայ գրան եկեղեցոյն ասէ կանգնեալ 'ի Լուսաւորէն 'ի չափ իւրոյ հասակին : — Մերձ է 'ի Մուղնի Սեբե-Սե գիւղ, ուր սպանաւ վասակ Պահլաւունի հայրն Գրիգորի Մաքիարոսի :

135. Ի հիւսիսոյ Յովհաննավանուց կայ Կարէի գիւղ, բնակեալ 'ի դաղժականէն Պայեղիսոյ 100 տամբք . են և 'ի սմա աւերակք յորովք հնգերումք եկեղեցեք : — Կիսաժամաւ յարեմտից Կարբոյ կայ Ուրի գիւղ, ուր եղն Ս. Մեսրոպայ զնշխարս սրբոյն

Սարգսի զօրավարի, և անուանի ուխտ եղև, որում առաջնորդ կայր 'ի կէս յի դարու Ռսկան վարդապետ տապաքրիչ . այժմ ծածկեալ կան նշխարքն փրածով եկեղեցոյն յամին 1827 'ի սասանութենէ մեծէ . կանգուն կայ գաւիթն նորոգեալ յամին 1264 :

Ի հիւսիսոյ Կարբոյ առ խորածորով Քասաղայ կան եկեղեցիք հնացեալք Սարգսավանի կամ Ս. Սիսի, այլ վանքն աւերեալ են խալառ : Յերեսա խորածորոյ գետոյն հատեալ են քարանձաք գժուարամուտք յոյժ, տեղիք ապաւինի և պահպանութեան դանձուց, որպէս ասի : — Միւս ևս մենաստան անուանի է յԵրեմիւր գեղ յեկեղեցի Կարբոյ և Մուղնոյ ընդ մէջ Քասաղայ և Հրազդանայ . աստի էր Մովսէս Բ կաթողիկոս, որ հաստատեաց զՏուամար և զԹուական հայոց յամի Փրկչին ՅՅ2 . նշանաւոր է եկեղեցի գեղջու եռայարկ, կամ երեք եկեղեցիք մի զմտով . մենաստանն քայքայեալ կիսաժամաւ հեռի կայ 'ի հարաւային սաս լեբինն Արայի, և հոյակապ ութանկիւնի բոլորակ եկեղեցին շինեալ 'ի Գրիգորէ Մամիկոնոյ յի դարու, որոյ գմբէթն անսին անկեալ է կիսով չափ : Գաշտավայր է զգիւղն, յորում ահեղ և դարմանալի սպառնալովնք մղեցան, նախ Արայի և Շա միրամայ իբր 3880 ամբք յառաջ քան զմեզ . և յետ 2600 ամաց 'ի սկիզբն է դարու՝ յունական զորացն փոխասայ կայսեր ընդ Պարսից . և դարձեալ զինի 1100 և աւելի ամաց՝ թահմաղայ կամ հառար շահի ընդ Օսմանեանց : — Ի հարաւակողմն Էջմիածնայ գետ զանուանի է Չէլի, 'ի մտից Մեծամորի, 60 հայրենակ տամբք :

136. Բ. ՍՈՒՐՄԱՆԻ ԿԱՄ ՍԻՒՐՄԵԼԻ ԳԱՆԱՎԱՆ 'ի հարաւոյ Երասխայ կայ և Սարաբաբապատու, և յայլոց կողմանց սահմանս ունի զՕսմանեանն և զպարսիկ հայաստան . արեմտեանն մասն է ՃԱԿՍՏՔ գաւառ, յորում են Բարդուղիէթ թահաւառ և Քեօրօշու կոչեցեալք յայլադգեաց, 8980՝ բարձր, և 'ի հարաւոյ Սինէկ տաղ անջրպետ Պայեղիսոյ . իսկ արեւելեանն մասն ՄԱՍԵՍՏ ՈՏՆ է : Արեմտեանն մասն ՏԱՐԱԲԵՆՏ կոչի, յեկեղեցի Կաղզուանայ, և բնակեալ է 'ի թաթարաց 28 գիւղից . միջակողմն բուն ՍՈՒՐՄԵԼԻ, յորում են գետք 50, և բազմաբնակք հայութեամբ, զն են 'ի նոսա իբրև 9000 ոգիք : Գլխաւորք շինիցն են, յարեմտակողմն՝ ԿՈՂՔ կամ ՔՈՒՄ աւան, հայրենիք Եղնիկայ թարգմանչի յատակաբան իմաստասիրի, յարեւելեան հիւսիսային ստորոտս Բարդոյ լեբին, 'ի ձև շրջաթատեր կաւակերտ տամբք և աշտարակք, 'ի խաղս Վարդաբաբա վտակի, բնակեալ 'ի 180 հայ գերգատանաց, յերի աւերակաց հնոյ քաղաքաւանին . ուր մնացուածք կճեայ եկեղեցեաց և բնակարանաց, որք առ Հերակիւ կայսեր և Եղիւ կաթողիկոսի թուին շինեալք . սմա չորհեալ էր կայսրն զանուանի Առաննս Կողբայ, որ և Առաք . և է լեւանն արի 'ի սնարս Բարդոյն յեկեղեցի կուսէ աւանին երկայնեալ 'ի Չիւսա գիւղ . երեք կարգք են խաւ 'ի խաւոյ արից, անջրպետեալք ազգ ազգ և գոյնագոյն կաւաքարք . հոսանք վարդաբաբայ և խլրամունք երկրի զկէս լեբինն փորացուցեալ են և հովիտ յարդարեալ, և մասն մի հատեալ է յանձաւս անձաւս յաղահատիցն, զոր